



Regionale miljøtilskot – søknadsfrist 15. oktober 2019

Alle som har rett til produksjonstilskot kan også søke om regionalt miljøtilskot. Det vert opna for å søke frå og med 1. august. Fristen for å sende søknad er 15. oktober. Ved for seint levert søknad blir det eit trekk på 1000 kr pr. virkedag levert etter fristen, inntil 20 virkedager etter fristen. Beitelag har eigen frist; 1. november.

Denne informasjonen blir distribuert via kommunane. Den inneheld kortfatta informasjon om tiltaka det kan søkast om tilskot for i miljøprogrammet. Meir utfyllande informasjon om vilkår og satsar ligg på heimesida til fylkesmannen, <https://www.fylkesmannen.no/More-og-Romsdal/Landbruk-og-mat/Miljotiltak/Regionale-miljotilskot/revidert-regionalt-miljoprogram-2019-2022/>, eller kommunen kan kontaktast. Sjå også på heimesida til Landbruksdirektoratet om generell informasjon.

Slik søker du

Det må søkast via internett. Start gjerne på <https://www.landbruksdirektoratet.no> der du finn lenka «Søk om regionalt miljøtilskudd»

<https://www.altinn.no/skjemaoversikt/landbruksdirektoratet/soknad-om-regionalt-miljotilskudd/>
Den fører til innlogging via Altinn og deretter rett til søknadsskjemaet.

Opplysningar om føretaket er utfylt på førehand. Godkjente opplysningar frå i fjor kan som regel brukast om att. På grunn av ein del endringar kan det vere ein del opplysningar (t.d. kartfigurar) som ikkje er vidareført frå i fjor. **Pass på å trykke på knappen «Send» og sjekk at du får kvittering for at søknaden er sendt.**

Dersom det ikkje er mogleg for deg å søke elektronisk, kan kommunen hjelpe. Søk i god tid, det er alltid noko som kan skjere seg siste dagen.

Tiltaka du kan søke på i Møre og Romsdal

Miljøtema 1: Kulturlandskap

Slått av lokalt verdifulle jordbrukslandskap

Formålet er å stimulere til vidare drift i område med særskilt verdifullt kulturlandskap. I Møre og Romsdal er det 12 område som har status som slikt landskap. Sjå i miljøprogrammet om dei ulike områda og avgrensingane. Det er ikkje gjort endringar samanlikna med tidlegare år i kva for område som kjem inn under ordninga, jf. lenke til kart <https://www.fylkesmannen.no/globalassets/fm-more-og-romsdal/bilder-fmmr/14-landbruk/miljotiltak/rmp/vedlegg-2-kart-som-viser-sonegrensene-20190515.pdf> Skjøtselen må frå 2019 skje ved slått minimum 1 gong i løpet av vekstsesongen. Berre beiting er ikkje lenger tilstrekkeleg.

Førebels sats: kr 125 pr. daa.

Skjøtsel av bratt areal

Formålet er å sikre framleis drift på bratt jordbruksareal. Det må vere minimum 5 daa med hellingsgrad 1:5 eller brattare. Skjøtselen må skje ved slått. Det er viktig at areala blir fordelt riktig i henholdsvis 1:3 og 1:5 ut frå kartfiguren når ein skal søke.

Førebels sats: kr 160 pr. daa.

Drift av beitelag

Beitelag som utnyttar utmarksbeite gjennom organisering av tilsyn, organisert sanking og andre målretta fellestiltak i beiteområda, kan søke om tilskot til sanka dyr. Beitelag må søke innan 1. november. Laga må vere registrert i Enhetsregisteret. Kommunen godkjenner nye lag. Tilskotet blir utmålt pr. dyr sleppt på utmarksbeite.

Førebelse satser: kr 11 pr. sau, lam, ammegeit og kje. Kr 20 pr. storfe og hest.

Miljøtema 2: Biologisk mangfald

Slått av slåttemark

Formålet er å stimulere til skjøtsel av verdifulle, artsrike slåttemarkar, for å oppretthalde biologisk mangfald og andre kvalitetar. Det er m.a. stilt krav til registrering som utvald naturtype slåttemark med verdi A eller B i Naturbase. Arbeidet må gjerast i tråd med skjøtelsråd gitt av fylkesmannen.

Førebels sats: kr 125 pr. daa.

Skjøtsel av kystlynghei

Formålet er å stimulere til tradisjonell skjøtsel av kystlynghei gjennom beiting. Området må vere registrert som kystlynghei med verdi A eller B i Naturbase. Det må vere minimum 10 daa kystlynghei pr. sau over 1 år.

Førebels sats: kr 150 pr. sau over 1 år. Maksimalt tilskot pr. søknad kr 50 000.

Tilrettelegging av fuglebiotopar

Formålet er å bidra til bevaring av trua fugleartar. Fugleartar som hekkar i slåttemark står i fare for å bli utrydda. Tidleg slått kan øydelegge både reir, fuglar og ungar. Både åkerrikse, vipe, storspove og grashoppesangar er artar som er registrert som trua i Møre og Romsdal. Tiltaket er å utsette slåttene rundt hekkeplassen. Det må ligge føre avtale med miljøvernavinga hos fylkesmannen om tiltaket i kvart enkelt tilfelle.

Førebels sats: kr 2 000 pr. daa.

Miljøtema 3: Kulturminner og kulturmiljøer

Drift av seter med mjølkeproduksjon og levering til meieri

Formålet er å oppretthalde og stimulere til auka bruk av setrane. Tilskot kan gjevast til føretak som har heile eller deler av mjølkeproduksjonen på seter i minst 6 veker i sommarhalvåret. Det må produserast minimum 45 liter kumjølkk eller 25 liter geitemjølkk pr. døgn.

Førebels sats: kr 50 000 pr. seter.

Når fleire samarbeider om seterdrifta, skal tilskotet delast på deltakarane i fellessetra. Alle må føre opp same tal deltakarar i søknaden. Tilskotet blir fordelt på kvar deltakar.

Drift av seter med mjølkeproduksjon og eigen foredling

Dette er eit tilskot til dei som driv seterdrift med mjølkeproduksjon, og som også driv med foredling av eiga mjølkk ved t.d. ysting eller kinning. Øvrige vilkår er seterdrift i minst 6 veker, produksjon av minimum 45 liter kumjølkk eller 25 liter geitemjølkk pr. døgn og mjølka skal foredlast på setra.

Produksjonen må vere godkjent av Mattilsynet.

Førebels sats: kr 70 000 pr. seter.

Når fleire samarbeider om seterdrifta, skal tilskotet delast på deltakarane i fellessetra. Alle må føre opp same tal deltakarar i søknaden. Tilskotet blir fordelt på kvar deltakar.

Skjøtsel av gravminne

Formålet er å synleggjere automatisk freda gravminne som viktig ressurs for identitet, kunnskap og oppleving. Gravminna må vere registrert i «Askeladden», Økonomisk kartverk eller fylkeskommunen sitt arkeologiske arkiv. Gravminna må vere synlege på overflata og ligge på eller inntil jordbruksareal.

Gravminna må skjøttast ved slått eller beiting, og kan ikkje vere sterkt skada eller øydelagde.
Førebels sats: kr 1 000 pr. gravminne. Maksimalt 20 gravminner pr. søknad.

Miljøtema 4: Avrenning til vatn

Ingen jordarbeiding om hausten

Formålet med tilskotet er å stimulere til å hindre erosjon frå opent åkerareal om hausten og vinteren. Denne ordninga gjeld berre for areal der det blir dyrka korn i nedslagsfeltet til elvane Surna, Driva og Rauma. Desse områda fell inn under «Avrenning til vassdrag og kyst – spesielt prioriterte område ..»
Førebels sats: kr 100 pr. daa.

Grasdekt kantsone i åker

Formålet med tilskotet er å stimulere til at det blir etablert kantsoner mellom åkerareal og vassdrag som er grasdekt, for på den måten å redusere erosjon og avrenning frå åkerarealet. Tilskotet gjeld for areal der det blir dyrka korn, poteter eller grønnsaker i same område som for 'ingen jordarbeiding om hausten' samt for Smøla. Vilkår for ordninga er at sona har ei breidde på minimum 8 meter rekna frå vassdraget ved normalstand. Minst 6 meter må ligge på fulldyrka areal. Vekstane må vere godt etablert om hausten i søknadsåret og areala skal ikkje gjødslast eller sprøytast men må haustast, beita eller beitepussast kvart år.
Førebels sats: kr 100 pr. meter.

Vedlikehald av fangdammar

Formålet med tilskotet er å stimulere til vedlikehald av fangdammar og skjøtsel av vegetasjonen rundt, slik at fangdammen fungerer effektivt. Effekten av ein fangdam går ned etter kvart som sedimentasjonskammeret blir fylt opp. Vilkår for ordninga er at dammen blir tømmt ved behov slik at renseeffekten er tilfredsstillande. Tilskotet kan bevilgast årleg.
Førebels sats: kr 4 000 pr. daa fangdam.

Miljøtema 5: Utslepp til luft

Spreiing i vår-/vekstsesong

Formålet er å redusere utslepp av næringsstoff til luft og redusere avrenning til vatn og vassdrag. Tilskot kan gjevast til føretak med husdyr som spreier husdyrgjødsel på arealet sitt seinast 10. august. Vilkår er spreiing av minimum 5 kg total-N pr. daa og at avlinga blir hausta etterpå. Noteringar må vise skifte, spreiedatoar og gjødselmengder. Dette tiltaket kan ikkje kombinerast med å søke om tilskot til bruk av nedleggings- eller nedfellingsutstyr.
Førebels sats: kr 50 pr. daa.

Bruk av nedleggings- eller nedfellingsutstyr

Det kan gjevast tilskot for spreiing av husdyrgjødsel eller biorest ved nedfelling eller nedlegging. Vilkår er spreiing av minimum 5 kg total-N pr. daa. Arealet skal haustast ved slått eller beiting etter siste spreiing i søknadsåret. Ved nedlegging i open åker må nedmolding skje innan to timar. Dette tiltaket kan ikkje kombinerast med å søke om tilskot til spreiing i vår-/vekstsesong.
Førebels sats: kr 20 pr. daa.

Bruk av tilførselsslantar

Dersom vilkåra for spreiing i vår-/vekstsesong eller bruk av nedleggings-/nedfellingsutstyr er oppfylt, kan det gjevast tilskot til areal der husdyrgjødsel blir spreidd med tilførselsslantar i staden for tankvogn.
Førebels sats: kr 50 pr. daa.